



BOSNA I HERCEGOVINA
PARLAMENTARNA SKUPŠTINA
ZASTUPNIČKI DOM

Komisija za ljudska prava, imigraciju, izbjeglice i azil

Broj: 01/5-011-663/03-1

Sarajevo, 16.5.2003. godine

Z A P I S N I K

nastavka 5. sjednice Komisije za ljudska prava, imigraciju, izbjeglice i azil
(u daljnjem tekstu: Komisija), održane 15.5.2003. godine, s početkom u 13.00 sati

Komisija je zasjedala u proširenom sastavu sa članovima Odbora za povratak izbjeglih i raseljenih osoba Doma naroda Parlamenta Federacije BiH, Odbora za povratak izbjeglih i raseljenih osoba Zastupničkog doma Parlamenta Federacije BiH i Odbora za zaštitu prava izbjeglica i raseljenih osoba Narodne Skupštine Republike Srpske.

Nastavku sjednice Komisije nazočni su bili:

- Elmir Jahić, predsjedatelj Komisije,
- Nadžida Mlaćo, član Komisije,
- Miloš Jovanović, član Komisije,
- Ruža Sopta, član Komisije,
- Selim Bešlagić, član Komisije,
- Muhamed Altić, član Komisije.

Odsutni su bili: Martin Raguž, prvi zamjenik predsjedatelja, Tihomir Gligorić, drugi zamjenik predsjedatelja Komisije, i Munib Jusufović, član Komisije.

Na sjednici je bio, u ulozi uvodničara, ministar za ljudska prava i izbjeglice Bosne i Hercegovine Mirsad Kebo.

Sjednici su bili nazočni pojedini članovi Odbora za povratak izbjeglih i raseljenih osoba Doma naroda Parlamenta Federacije BiH (Mustafa Imširović i Pero Jukić), Odbora za povratak izbjeglih i raseljenih osoba Zastupničkog doma Parlamenta Federacije BiH (Omer Hujdur, Kemal Čehbić i Avdo Hebib) i Odbora za zaštitu prava izbjeglica i raseljenih osoba Narodne Skupštine Republike Srpske (Dževad Gušić i Muharem Murselović), kao i predstavnici Ministarstva za ljudska prava i izbjeglice Bosne i Hercegovine (Dragomir Kovač, tajnik) i zastupnici: Amira Džajić, Slavica Josipović, Željko Raguž, Damir Mašić i Nedžad Bublin u Parlamentu Federacije BiH, kao i Milovan Borojević i Lazar Prodanović, zastupnici u NSRS.

Za proširenu je sjednicu usvojen sljedeći

D n e v n i r e d

01. Utvrđivanje oblika buduće suradnje za realizaciju strategije BiH u implementaciji Aneksa VII. Daytonskog sporazuma

U uvodnom izlaganju predsjedatelj Komisije Elmir Jahić ukazao je na značaj Aneksa VII. Daytonskog sporazuma, kao i njegove implementacije. On je istaknuo okolnost da je Komisija primila Inicijativu predsjednika Odbora za zaštitu prava izbjeglica i raseljenih osoba Narodne skupštine Republike Srpske 25.3.2003. godine, kao akt broj 02/11-356/03, te podržala inicijativu na svojoj 4. sjednici. Inicijativnom se predlaže Komisiji da organizira sjednicu proširenu s članovima Odbora kao i Odbora iz Parlamenta Federacije BiH, jer je Dom naroda Parlamenta Federacije BiH, aktom 02/14-02-236/03 od 28.3.2003. godine, prihvatio inicijativu Odbora iz NSRS. Članovi su Komisije prihvatili inicijativu i smatraju korisnim da proanaliziraju Strategiju i podrže Aneks VII. Daytonskog mirovnog sporazuma.

Nakon uvodnog izlaganja predsjedatelja Komisije uslijedio je osvrt na Strategiju BiH za provedbu Aneksa VII. Daytonskog mirovnog sporazuma (u daljnjem tekstu: Strategija) ministra za ljudska prava i izbjeglice BiH. U uvodu, ministar je predstavio nazočnima proces povratka izbjeglih i raseljenih osoba u BiH sa svim relevantnim pokazateljima. Ujedno je ukazao na potrebu stvaranja održivog povratka svakog izbjeglice i raseljene osobe, kao i uvjete da bi se on mogao ostvariti. Strategija predstavlja putokaz kojim se treba rukovoditi u daljnjoj aktivnosti na povratku izbjeglih i raseljenih osoba.

Nakon uvodnog izlaganja ministra Mirsada Kebe, uslijedila je duga i temeljita rasprava u kojoj su sudjelovali: Gušić Dževad, Slavica Josipović, Mustafa Imširović, Avdo Hebib, Muharem Muselović, Omer Hujdur, Lazar Prodanović, Željko Raguž, kao i članovi Komisije i drugi nazočni.

Nakon rasprave, ministar je u završnoj riječi naglasio značaj prihvatanja Strategije. On je ukazao na određene nedorečenosti u njoj i potrebu da se u određenim segmentima dopuni, ali je izrazio zadovoljstvo ukupnom raspravom i podrškom nazočnih.

Predsjedatelj Komisije Jahić je, na temelju uvodnoga govora i široke i dugotrajne rasprave, formulisao određene zaključke, koje su nazočni jednoglasno podržali. To su sljedeći zaključci:

1. Pozdravljamo nastojanja da se na sistematski i sveobuhvatan način nastavi s implementacijom Aneksa VII. Daytonskog sporazuma, donošenjem Strategije Bosne i Hercegovine za provedbu Aneksa VII. Daytonskog mirovnog sporazuma, a posebno u smislu prijenosa ovlasti i zadataka na domaće institucije.
2. Strategija BiH za provedbu Aneksa VII. dobra je polazna osnova za implementaciju i rješavanje Aneksa VII., koju bi, nakon rasprave pred Parlamentarnom skupštinom BiH, trebalo dopuniti. Zato je potrebno i traži se da se Strategija razmatra na sjednicama Vijeća ministara BiH i entitetskih parlamenata kao i domova Parlamentarne skupštine BiH, radi neophodnih korekcija kako bi se došlo do široko prihvatljivog i efikasnog rješenja.
3. Najhitnije provesti strukturalne i organizacijske reforme, posebno kroz osnivanje Fonda za povratak, kao i osposobiti i staviti u funkciju jedinstvenu bazu podataka.

4. Izražavamo zabrinutost zbog sporosti u provedbi Aneksa VII. te tražimo da do uspostave nove organizacijske strukture u punom kapacitetu funkcionira dosadašnji način implementacije Aneksa VII. Daytonskog mirovnog sporazuma.
5. Provedba Aneksa VII. jedno je od najvažnijih političkih, socijalnih, pravnih, ekonomskih i nacionalnih pitanja u BiH, pa se zato traži puni angažman svih struktura vlasti. Stoga treba omogućiti svim razinama vlasti, u okviru svojih mogućnosti, da mogu pomoći implementaciju Aneksa VII. na cijelom području BiH.
6. Upozoravamo da se provedba Aneksa VII. ne može poistovjećivati samo s implementacijom imovinskih zakona. Aneks VII., osim provedbe imovinskih zakona, podrazumijeva obnovu porušenih i devastiranih stambenih objekata, izgradnju infrastrukture, zapošljavanje povratnika, rješavanje zdravstvene zaštite i obrazovanje povratnika, kao i stvaranje opće sigurnosti. Tek rješavanjem ovih problema može se smatrati da je Aneks VII. dosljedno i u svim oblastima proveden.
7. Preporučuje se Vijeću ministara BiH da razmotri mogućnost pronalaska dodatnih donatorskih sredstava ili zaduženja BiH, po ovoj osnovi dobijanje povoljnih dugoročnih kredita od Razvojne banke Vijeća Europe kao i preraspodjelu sredstava u proračunu zajedničkih institucija BiH i dodatnih izvora financiranja.
8. U Strategiji nisu istaknuti problemi povratnika i povrata imovine izbjeglica iz Hrvatske koji danas žive u BiH, pa je potrebno da se na državnoj razini pokrene rješavanje ovih pitanja s Republikom Hrvatskom.
9. Najžurnije ispoštovati rokove za donošenje zakona ili usuglašavanje podzakonskih akata iz oblasti školstva, zdravstva, mirovinsko-invalidskog osiguranja, primjene imovinskih propisa, te dosljednu provedbu Odluke Ustavnoga suda BiH o konstitutivnosti i ravnopravnosti naroda u BiH, odnosno implementacije amandmana na ustave entiteta.
10. Posebno omogućiti upošljavanje povratnika-intelektualaca na lokalnoj razini, uz odgovarajuće stimulativne i druge mjere koje omogućavaju i olakšavaju njihov povratak.
11. Pokrenuti medijsko-propagandne aktivnosti s ciljem pozitivne afirmacije implementacije Aneksa VII. Daytonskog mirovnog sporazuma.

Sjednica je završena u 13.20 sati.

TAJNIK KOMISIJE

dr. Zijad Hasić

PREDSJEDATELJ KOMISIJE

Elmir Jahić



BOSNA I HERCEGOVINA
PARLAMENTARNA SKUPŠTINA
ZASTUPNIČKI DOM

Komisija za ljudska prava, imigraciju, izbjeglice i azil

Broj: 01/5-011-663/03-1

Sarajevo, 16.5.2003. godine

PARLAMENTARNOJ SKUPŠTINI BIH
ZASTUPNIČKOM DOMU
DOMU NARODA
N/r predsjedatelja domova

MINISTARSTVU ZA LJUDSKA PRAVA I IZBJEGLICE
BOSNE I HERCEGOVINE
N/r ministra

ODBORU ZA ZAŠTITU PRAVA IZBJEGLICA I RASELJENIH OSOBA
NARODNE SKUPŠTINE REPUBLIKE SRPSKE
N/r predsjednika

ODBORU ZA POVRATAK IZBJEGLIH I RASELJENIH OSOBA
DOMA NARODA I ZASTUPNIČKOG DOMA
PARLAMENTA FEDERACIJE BIH
N/r predsjednika

**Predmet: Dostava zapisnika nastavka 5. sjednice Komisije za ljudska prava,
imigraciju, izbjeglice i azil Zastupničkog doma Parlamentarne
skupštine BiH**

Komisija za ljudska prava, imigraciju izbjeglice i azil Zastupničkog doma Parlamentarne skupštine Bosne i Hercegovine je na nastavku proširene 5. sjednice Komisije, održanom 15.5.2003. godine, raspravljala o aktu Ministarstva za ljudska prava i izbjeglice BiH “ *Strategija Bosne i Hercegovine za provedbu Aneksa VII. Daytonskog mirovnog sporazuma*”, a zapisnik sjednice dostavlja Vam se u privitku.

Zapisnik sjednice dostavlja Vam se na znanje i na daljnje postupanje.

S poštovanjem

Predsjedatelj Komisije

Elmir Jahić

Privitak: Zapisnik nastavka 5. sjednice Komisije za ljudska prava, imigraciju, izbjeglice i azil Zastupničkog doma Parlamentarne skupštine BiH